

"Službene novine FBiH", broj: 38/09, 88/11

Na osnovu člana 12. stava 2. Zakona o kontroli cijena ("Službene novine Federacije BiH", broj 2/95 i 70/08), federalni ministar trgovine donosi

UPUTSTVO

O NAČINU, SADRŽAJU I ROKOVIMA DOSTAVE OBAVJEŠTENJA O PROMJENI CIJENA I MARŽI POJEDINIH PROIZVODA I USLUGA

1. Ovim Uputstvom propisuju se obaveze privrednih društava, drugih pravnih i fizičkih lica (u daljnjem tekstu: privredni subjekti), u pogledu načina i rokova dostavljanja obavještenja o promjeni cijena i marži u maloprodaji pojedinih proizvoda i usluga radi evidentiranja i praćenja (u daljnjem tekstu: obrasci OPC i OPM), koji su sastavni dio ovog Uputstva.
2. Privredni subjekti su dužni, Federalnom ministarstvu trgovine (u daljnjem tekstu: Ministarstvu) dostavljati radi evidentiranja, obavještenja o promjeni cijena i marži na malo za proizvode i usluge određene u tački III. Odluke o mjerama neposredne kontrole određenih proizvoda i usluga od interesa za Federaciju Bosne i Hercegovine ("Službene novine Federacije BiH", broj 34/09) i to za sljedeće proizvode i usluge:
 - pogonska motorna goriva sa unutrašnjim sagorijevanjem i ulja za loženje (LUEL), čiji se promet vrši u maloprodajnom objektu (benzinska pumpa),
 - sol za ljudsku prehranu, šećer kristal, mlijeko u prahu, jestivo ulje u jediničnoj mjeri (kilogram odnosno litar) i margarin od 250 grama.
3. Privredni subjekti, koji u maloprodajnom objektu (benzinska pumpa) vrše promet pogonskog motornog goriva i lož ulja, dužni su radi ovjere dostaviti Ministarstvu obrasce OPC i OPM, putem faksa, u roku od najmanje četiri dana prije početka primjene novih cijena, odnosno marži (ne računajući dan dostavljanja). Dostavljene OPC i OPM obrasce Ministarstvo ovjerava i iste putem faksa vraća privrednom subjektu. Važeće ovjereno obavještenje privredni subjekti dužni su istaknuti na vidnom mjestu u prodajnom objektu (benzinska pumpa) i isto mora biti uočljivo za kupca. Privredni subjekti dužni su dostaviti obrazac OPC i OPM i u slučaju kada se prvi put počinju baviti djelatnošću iz stava 1. ove tačke, odnosno kada se radi o nabavci i prodaji novog proizvoda, te izvršiti prijavu cijene za iste. Privredni subjekti dužni su u roku iz stava 1. ove tačke obavijestiti Ministarstvo o eventualnoj promjeni pravnog statusa maloprodajnog objekta (benzinske pumpe), odnosno promjene vlasništva, prestanku rada i drugo.
4. Privredni subjekti, iz tačke 2. stav 1. alineja 2. ovog Uputstva, čiji je prihod veći od 500.000 KM i broj zaposlenih veći od četiri, su dužni dostaviti putem faksa obrasce OPC i OPM ovom Ministarstvu radi evidentiranja, i to u roku od tri dana (ne računajući dan dostavljanja) prije početka primjene cijena, odnosno marži (sol za ljudsku prehranu, šećer kristal, mlijeko u prahu, jestivo ulje u jediničnoj mjeri kilogram, odnosno litar i margarin od 250 grama).
5. Nadležni organi u kantonima i općinama će u skladu sa odredbama člana 9. stava 1. alineja 1. i 2. Zakona o kontroli cijena ("Službene novine Federacije BiH", br. 2/95 i 70/08) svaki u okviru svoje nadležnosti, odrediti proizvode, robe i usluge za koje su im privredni subjekti dužni dostavljati obavještenja o promjeni cijena i marži.
6. Danom stupanja na snagu ovog Uputstva prestaje primjena Uputstva o načinu, sadržaju i rokovima dostave obavještenja o promjeni cijena i marži pojedinih proizvoda i usluga ("Službene novine Federacije BiH", br. 3/02, 71/08).
7. Ovo Uputstvo stupa na snagu narednog dana od dana objavljivanja u "Službenim novinama Federacije BiH".

Broj 01-02-822/09
2. juna 2009. godine
Mostar

Ministar
Mr. sci. **Desnica Radivojević**, s. r.

OBRAZAC O PROMJENI CIJENA I MARŽI U MALOPRODAJI

NAZIV PRIVREDNOG SUBJEKTA: _____

SJEDIŠTE : _____

Telefon: _____

Fax: _____

DATUM: _____

Adresa prodajnog objekta (benzinske pumpe) i drugo:

Obrazac o promjeni cijena (OPC)

Redni broj	Naziv proizvoda ili usluga	Jedinica mjere	Ranija cijena MPC	Nova cijena MPC	Datum početka primjene nove cijene
1.					
2.					
3.					
4.					
5.					

Obrazac o promjeni marži (OPM)

Redni broj	Naziv proizvoda ili usluga	Jedinica mjere	% ranija marža MPC	% nova marža MPC	Datum početka primjene nove marže
1.					
2.					
3.					
4.					
5.					

Privredni subjekti koji imaju više benzinskih pumpi, na kojima je prethodna i nova cijena ista, mogu koristiti jedan obrazac OPC u kojem su dužni navesti sve benzinske pumpe na koje se cijene odnose.

PEČAT PRIVREDNOG SUBJEKTA

Potpis ovlaštenog lica